

PAMFLET  
844c







**T**  
**ba**  
**ba**

+



**Alvaerachtighe verclaeringhe**  
**van de Armade des Coninc van Spaengien/**  
 van Lisboa gheseylt nae Engelandt ende dees Landen en vande  
 gheweldighe teghenstandt der Coninginne van Enghelands Armade/  
 die haer vermett/ verdreuen/ ende naeghetaecht hebben van Plep-  
 muren tot inde Noort Zee / nae de waerachtighe belg-  
 denisse die daer van ontcomen ende gheban-  
 ghen gheuomen zyn.



Ghedruickt tot Amstelredam / by Cornelis Claesz.  
 opt water int Schryfboeck.



# Waerachtighe verclaringhe vande Armade

des Coninck van Spaengien / van Lisbona gheseylt / nae Engelandt ende dees Landen / ende vande gheweldighe teghenstandt der Coninginne van Enghelants Armade / die haer vernielt / verdreuen ende na gheiaecht hebben van Pleymuynen tot inde Noort Zee / nae de waerachtighe belijdenisse die daer van ontcomen en gheuangen ghenomen zijn.

**D**e Coninck van Spaengien dees Nederlanden ouerlanghe int gemeen sonder eenich onderschept / deur de officie vande heylige Inquisitie / ten vier ende ten swaerde verordelt hebbende / inden Jare 1568. den xvi. Februarij in Madrid ghegeuen / nae luyt dees hier achter bygenoechede Sententie / heeft tot de executie der seluen den Hertoghe van Alba inden eersten met gheweldighe handt ouer ghesonden. Ende alsoo hy met zijn wreetheydt / Don Lops de Requesens met zijn lutticheyt / noch Don Johan met zijn gheueynst geproch / noch de Prince van Parma met wapenen / de voornoemde Landen niet heeft moghen relande ouerweldighe / alst blyckt dat de selfde Landen nu meer als xx. Jaren met allerley ghewelt / en anontueren (als d' Oorloge medebrengt) bespronghen en becricht gheworden zijn / so ist noch tang sonder alle wederseggen also datse meerder en machtiger zijn / als doense om haer conscientie ende vaderlantische vryheyt de wapenen eerst an namen / t welck blyckt by de Landen ende Steden die onder Duck de Alba ghewelt en macht waeren / ende in een cleyn ghetal zijn banden afwierpen / nu de machtsichste quartieren vande Nederlanden aende Zee gheleghen in hebben ende teeren van ghewonnen goet / ende zijn ruytichmael machtigher als inden beginne als men haer cleynne middelen en beginselen aensiet. Ende dit alles door de sterckte ende nutticheydt diese deur de vrie Zeevaert hebben. De Coninck voornomt met de Spaengiaerden hebbende een onuersadelicken haedt teghen de Nederlantische vryheyt / heeft van allen tijden herwaerts dees Landen ghesocht oorsake van Kibellie te gheuen / ende haer daerom te ouervallen en ouerwinnen / ende da daerom te heerschen met sodanich recht als d' ouerwinder hem seluen beroemt tegen

Den



den onverwonnen macht te hebben / als hy en zijn boezonders inde  
Indië gedaen hebbe / en also hy tot noch toe noch niet bedr' echelijcke  
wijsmakinghe / of ghewelt der wapenen te lande niet heeft connen de  
selfde Landen ouerweldighen / soo heeft hy nu ten laetsten een ghe-  
weldighe Armade toegheuaerckt / daer oner hy meer als twee Jaren  
toegerust heeft om also de seluighe executie ouer de Landen int werck  
te brengen / soo mede d'executie des Vans ouer de grootmachtighe  
Coninginne van Enghelandt deur des Paus wtghenen / ende is de  
selfde Bloote toegherust ende sterck gheweest inder naevolghende  
maniere.

Eerstelijck x. Galioenen ende ij. Sauers / een bande Galioenen is  
ghenaemt S. Martijn / daer in is de Admirael generael de Hertoch  
van Medina Sidonia Hertoch van S. Lucas / met 3330. Soldaten /  
ende 1293. Scheeps volck / tsaemen 4623. Mannen / ende 347. stuc-  
ken gheschuts.

Johan Martinus de Recaldo is generael Querste ouer de Armee  
van Visschepen x. Schepen ende iij. Patares / met 1937. Soldatē  
863. Scheeps volck / tsaemen 2800. mannen / hebben op 238. stucken  
gheschuts.

Diego de Valdes Capitain generael ouer de Armade van Span-  
gien / xiiij. Galioenen twee Patares / met 2458. Soldaten / ende 1719.  
Scheeps volck / tsaemen 4177. Mannen / daer by 384. stucckē geshuts.

Don Pedro de Chaldes generael ouer de Armade van Andulosen  
van x. groote Schepen ende een Patare / met 2325. Soldaten en 780.  
Scheeps volck / tsaemen 3106. Mannen / 240. stucken gheschuts.

Michiel de Oquendo generael ouer de Armade ghecomen wt de  
Provincien Guipoz van x. groote Schepen twee Dinassen twee Pa-  
tares / met 1992. Soldaten / ende 616. Zee volck / tsaemen 2608. Man-  
nen 247. stucken gheschuts.

Martijn de Berrendonie generael ouer de Armade wt de Levante  
sche Zee van x. schepen / met 2780. soldatē / 767. scheeps volck / tsaemen  
3527. mannen / hebben op 280. stucken gheschuts.

Johan Gommes de Medina generael van xiiij. Hulcken met 3121.  
soldaten / ende 608. scheeps volck / tsaemen 3729. mannen 384. stucken  
gheschuts.

Don Inthonio Butardo generael ouer xiiij. Patares ende Sauers  
met



met 479. soldaten / 574. scheepf. volck / 1693. mannen / met 91.  
stukken gheschuts.

Don Hugo de Doncada generael ouer r. Galeaces van Napels /  
met 873. soldaten / 468. scheepf. volck / 1200. gheuangs om te roepē /  
200. stukken gheschuts.

Diego de Mediana generael ouer iiii. Galeyen vā Portugael / met  
362. scheepf. volck / gheen soldaten / 880. gheuangs aende riemen.

**Somma daer zijn in dees Armada 130 Schepen.**

Soldaten 19295.

Scheepf. volck 8052.

Roevers 2088.

**Somma 29453.**

**Het Gheschut / Muziekers ende ander**

Metalen stukken 1497.

Pieren stukken 934.

**Somma 2431.**

Alsoo nu de Coninck van Spaengien met alle naersticheydt dees  
Vloote toegherust hadde / soo heeft hy oock sorghe willen draeghen  
(wetende dattet niet alleen inder Coninghe vermoghē staet de Oor-  
loge te voeren) dat der Godsdienste niet ontbreke / ende heeft de Sche-  
pen laeten wijen ende daer diuersche Outaren in ghemaect / en met  
diuersche soorten van denotē Monchen versien / om dagelijc Wille  
daer in te doen / om t'volck inde Godsdienst te houden / en datse daer  
teghen haer sonden mochten biechten op datse niet deur de verlam-  
de Godsdienste in ongheluck ende teghenspoet mochten gheraecken.  
Ende nae datmen nu aldus alles wel toegherust hadde / ende duer  
ganssch Spaengien Beuaerden en Processien ghedaen / en de San-  
ten ende Santinnen aengheroeven hadde / soo zijnse opten 10. May  
Anno 1588. van Lisbona afgeleyt / en zijn gheromen inde Croingie /  
aldaer sy de Bischepsche Schepen ghevonden hebben / ende zijn daer  
ghebleuē tot den xiiij. Julij / Bidler uit stropen in de ruydinghe ouer t'  
ganische landt datse wenloos gheworden waren / sonen volken  
lauer de Custen van Spaengien om meer Scheepf. volck derwaerts  
te senden / ende zijn hiereen tuschen wt de Croingie te seyl ghegaen /  
ende



ende den xxx. Julij ghecomen duert Canael bande Zee ontrent Pley-  
mupen voor Enghelande. Sy hadde wel ontrent drie daghen lang  
(comende binnen het Canael) laechtelyck aenghebaren/niemandt  
vernemende t welck haer goede couragie gaf/ daer nae zyn bande  
Enghelische cust seuen Dijnassen afgheromen / die deur en weer haer  
blote seyliden om te besichtigen / de selfde haer Marsseplen strickende  
alsoe te grooten voortganck hadden om wel te deursien tynchten  
d'ander Spaengiaerts die verde daer af waeren / menende datse die  
Dijnassen rede ghenomen hadden / maer de seluighe nae dat zyt alles  
wel deursien hadden / zyn ongescheut wech gheseylet en byden haeren  
gheromen. Daer quamen meer andere Schepen / so wt Engelandt en  
bande Francopsche custe ende seyliden vast om ende wederom / alsoe  
dat op dien dach de Enghelschen ontrent 80. Schepen wel vier uren  
lang met den Spaengiaerts schooten. Eer de Spaensche blote bin-  
nen de Canael vander Zee quam mistense in Galepen diese met  
weten waerse ghebleuen zyn / sy seyliden in goede ordeninghe twee  
bande gheweldichste Galioenen voor aen / met d'Admirael generael.  
De hindertocht hadde de Viceadmiraal met twee Galeassen / de groote  
Schepen inde midden om de cleynen te beschermen / foodanich was  
haer seylagie. Opten auont hebben de Enghelschen een Bischepsch  
Schip ouerweldicht / daer Don Pedro Baldes op was generael ouer  
d'Armada van Andolusien / een Schip groot 400. last / hadde op acht  
hondert soldaten ende veerich metalen sturken. Dit dede meest Cas-  
pityn Francois Draeck / die bande Fransche cust af quam metten  
windt / en schoot gheweldich met zyn boechstucken en daer nae wen-  
dende met zyn zijde tot hen in / ende als hy wech was quamen meer  
inderen tot seuen oft acht int ghetal / ende deden desgelijcx / also datse  
hem de focke mast afschooten ende maecte hem wenloos daer deur  
hy hem ten laetsten op gaf / want hy inde hindertocht was en mochte  
vande voorste niet beschut werden. Opten seluen dach isser mede opt  
Schip van een grooten Bischoper een Vendergh beyde beenen afge-  
schooten / daer ouer de ouerste seer vertoende hep benede en droeyde  
den Nederlandtschen Bussenschietter ende gaf hem wat slaegen voor  
we segghende de vyande trefte wel ende ghy dypische kiteriden seliet  
al ouer ack sal v doen hanghen. De selfde Bussenschietter liet wel sluer  
de lont int cruyt vallen / ende viel doen de bouenle ouerloop neder en  
werde



werdet 'Schip weerloos ende veel verbrandende/ ende cregghen alsoo  
de Engghelsche dees twee Schepen in met veel bupts en costelicheyt.  
De generael Don Pedro de Valdes met veel Canellieros werden na  
Londen tot de Coninginne ghebracht/ lasterden gheweldich opten  
Prince van Parma dat hy niet wtghecomen was nae zijn belofte/  
dat hy was een verrader van Godt ende den Coninck. Des anderen  
daechs hebben d'Engghelsche noch een ander Schip ingenomen dat so  
groot was als de boornoemde so de ghequetste ghetuychden/ bupten  
noch de gene die in dees tijdt inde gront gheschooten zijn/ diemen seyt  
dat veel gheweest zijn. Vanden eerste Augusti zijn de Spaengiaerts  
voortghelept nae Doortlandt ende ontrent Wicht ghecomen/ daer  
zijne den derden Augusti gheweldich aenden anderen gheweest/ des  
anderen daechs wederom/ want ouermidts de welbelepticheydt der  
schepen/ soo hadden de Engghelchen alijt de loef ende de bouen winde  
daermede hi den Spaengiaerts groot quaet dede ende selfs weynich  
schade leden/ want de vlamme en roock gestadich den Spaengiaerts  
onder dooghen vlooch/ middeler tijt wenden d'Engghelchen wederom  
af ende rustededen haer wederom toe/ ende quamen doer wederom  
aen/ dusdanighe maniere van strijden wert meest vande Engghelchen  
onderhouden/ de Spaengiaerts hielden in goede ordre dicht aenden  
anderen/ die van haer ter zijden oft achter wt quamen vielen in d'En-  
ghelsche handen/ de selughe condense noch sochtense niet teredderen  
noch t'ontsetten om haer ordre niet te breken. In soodanighe ordon-  
nantie dreuen de Spaengiaerts met een supden en suyt westen wint  
daghelijck neerwaerts aen/ en zijn den 6. Augusti ontrent Calis ghe-  
comen daer zijt ancker gheworpen hebben/ ende bleuen daer ligghe  
een etmael lang/ verwachtende de vloot vanden Prince van Parma/  
en laghen so dicht onder landt datmen met een stuck grof gheschut  
wel opt landt mocht schieten. De Prince van Parma dede mede zijt  
neersticheyt zijn volck t'scheep te brengen/ maer ouermits de Hollant-  
sche ende Zeelan: sche Schepen int ghetal van ontrent 40. binnen de  
bancken voor Durinkercken laghen/ ende dat de haven soo engh is  
datter maer een Schip te ghelijck wt mocht/ so dorste zijt niet bestaen/  
want oock de Spaengiaerts dien de voortocht door loringhe toeghe-  
ballen was wilden gheensins t'scheep gaen/ waer deur hy niet conde  
wtcomen.

Als nu



Als nu de Spaensche Armade aldus voor Calis aent ancker laghen / verwachtende den Prince van Parma / die als sy seydten be-  
looft hadde met drie hondert seplen haer te hulpe te comen / en d'En-  
gelsehen saghen dat haer dit vertreck schadelijck mocht zijn / ende de  
Spaengiaerts ondert landt aen haer anckers beschermte laghen / soo  
hebben sy den 7. Augusti inder nacht bouen strooms en wint seuen oft  
acht van haer schepen brandende nae de Spaengiaerts afgesonden /  
de Spaengiaerts dit vernemende datse na haer quamen aen d'ijue /  
hebben geen tijdt ghehadt haer anckers te lichten maer hebben haer  
cabels ghekornen en wederom zee ghemaect / en zijn bet neerwaerts  
nae Dymkercken ghedreuen. Den 8. Augusti hebben se gheweldich  
van smorghens vroeck wel thien uren lang dapperliick gheschooten  
ende metten anderen ghevochten / daer twee Galioenen der Spaen-  
giaerden vanden Engelschen gheschoten zijn / zijnde een groote Vis-  
schaper en een Galioen t'groooste vande vloot S. Mathews Galioen  
genaemt / d'ander nae Blanckenburch gedreue en daer aende gront  
gheromen zijnde / so gheschoten dat het gantz reddeloos en weyloos  
was / de groote mast achter ouer de Compangien neder ghestort / veel  
van haer isser in Vlaenderen an landt ghebracht ende ghebercht van  
die van Nieupoort. Soo isser noch mede opten seldden tijt een vande  
groooste Galassen dicht voor Calis vanden Engelschen ghenomen /  
ende zijn also meest de groote schepen weyloos gheworden / also dat  
ter van 125. schepen daer mede sy voor Pleympen quamen onder  
Vlaenderen niet meer dan ontrent tusschen de tseuentich en tachtich  
ghesien werden. Die van Zeelandt vernemende datter een schip on-  
der Blanckenburch aende gront lach zijn met ontrent vijf schepen  
dremmelacs ende anders met eenighe Hollanders tot vijf int ghetal  
derwaerts gheseyt / hebben t'selwighe schip inghenomen door opge-  
winghe / zijnde groot wel ontrent ses hondert last een vande mach-  
tigste vande vloot / met noch een ander niet veel minder / ende hebben  
de selwighe tot Vlissinghen ghebracht opte 11. Augusti. De ghevan-  
gens / de ghequerste en ghewonden verbonden en nae Vlaenderen ge-  
sonden / de ghesonden eendeels daer ghelouden ende ontrent 150 na  
den Haech ghesonden / daer onder Diego de Valdes generael ouer  
de Armade van Spaengien met meer andere canaliers / de Capiteys-  
nen ende Bootsghesellen zijn rijck vande buyt gheworden.

De



De Spaensche vloote is middeler-tijt met den suytwesten wint ghe-  
dwonghen geweest door vervolghen der Engelschen nae de Noort  
Zee te wijcken / en zijn den 9. Augusti voor de Maes ghesien / den  
voor Cessel / dē 12. opte Breede veertien noortwest want Wlie int ghe-  
tal als verhaelt / ende zijn de Engelschen haer dapper na dringhende  
sterck zijnde ontrent 150. schepen vol couragie ende wel ghemoet / men  
sept datse den twaelfden den Spaengiaerts gheen cleppen afbreuck  
ghedaen hebben / den 13. 14. ende 15. wardet gheweldich wten suyd-  
westen / wat daer wijders af comen wil sal den tijt leeren / Noortwe-  
ghen oft Ierlandt is haer voorlandt.

## Hier volcht de Sententie die ouer langhe

ouer dees Nederlanden / sonder onderschept ouer Ca-  
tholijcken ende andere ghegheuen in Spaengien deur  
de Meesters vande heplighe Inquisitie.

**H** Et officie des alderheplichste en Godhijcke Inquisitie / versocht  
zijnde vande Co. Ma. (die mede teghenwoordich inden Raet was) om op-  
merckinge te nemen / en deur neerstich ondersoek te ordelen vande ver-  
bloechte misdaet der ketterge en afvals by des Coninck onderdanen inde Neder-  
lande bedreuen. Heeft de informatie des Co. Ma. belangende dees saecken neer-  
sich ouerghesien / ende daer beneffens ghelesen de bzieuen en gheloofweerdighe  
ghetuychenisse / ons vanden Commissarissen des alderheplichsten Inquisitie we-  
Nederlandt toe ghesonden. Ende verclaert daer ouer en sept / dat so veel belangt  
de conscientie en der Theologen bekentnisse / dat alle en een pegelijc des Co. Ma.  
onderdanen (wtghenomen alleen de genighe die niet namen ons wtzuekelijck  
toeghesondē zyn inde voorn. informatie) so wel de openbare afvallighe en ketterge  
afwijckende van Godt en onse H. Kerckie en t'gebedt en onderdancheyt des Ca-  
tholijcken Coninck / als alle andere (die haer verpusen Catholijckē) haer schuld-  
ghe plicht ouerghetreden hebben / daer mede sp aen Godt en haer Coninck (aen-  
gaende de Catholijcke Religie) zyn en sul'en bliuen verbonden / (nae wtwijfinge  
haer Eedre) te wederstaen de openbare afvallighe ketterge en opdrere / om te ver-  
delghen segghen wt het schadel. en verderffelijck voorstellen / t'welck sy inden  
beginne lichtelijck hadden moghen doen / maer hebben ter contrarie so hepliger  
en Hobelijcken tegenstant gheensins ghepleecht / datse daerom waerdich zyn ge-  
houden te werden voor toestaenders en gunstighe naevolghers deser openbaere  
ende bekende afvallighe ketterge en opzoerighe. So mede de Edeluyden die inden  
name den Onderdanen de requeste ouer ghegheuen hebben / teghen de alderhep-  
lichste Inquisitie / daer mede sp niet listicheyt dees afvallighe ketterge ontstecke  
ende opghehyst hebben / dat sy daerom aller saemen bedreuen hebben Crimen lese-  
maiestatis inden alderhoochste graedt. Aldus ghegheuen inde vergaderden  
Raedt des alderheplichste Inquisitie binnen Madril in Spaengien den xvj. Fe-  
bryary. 1568.

F I N I S.



